



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU NARODNE BOŠNJAČKE STRANKE

Broj: 09-07-6-1385/07  
Sarajevo, april 2008. godine

## **SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	7

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Narodne Bošnjačke stranke i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Narodna Bošnjačka stranka prekršila odredbe člana 5. stav 1. i odredbe člana 11. stav 3. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Narodne Bošnjačke stranke i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna Bošnjačka stranka je iskazala prihode u iznosu od 31.100,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	0%
2	Prilozi fizičkih lica	15.100	5177%
3	Prilozi pravnih lica	15.000	4823%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	0	0%
	<b>Ukupni prihodi:</b>	<b>31.100</b>	<b>10000%</b>

U godišnjem finansijskom izvještaju Narodna Bošnjačka stranka je iskazala ukupne rashode u iznosu 32.222,00 KM.

## 2. PREDSTAVLJANJE POLITIČKE STRANKE

Naziv političke stranke: Narodna Bošnjačka stranka. Skraćeni naziv je NBS.

Narodna Bošnjačka stranka je registrovana 19.04.2002. godine kod Kantonalnog suda Sarajevo, pod brojem R-I-3/02.

Sjedište političke stranke je u Sarajevu, ulica Hamdije Kreševljakovića br. 61/II

Za zastupanje stranke ovlašten je Nedžad Latić, predsjednik.  
Osoba ovlaštena za podnošenje finansijskih izvještaja za 2006. godinu je Saima Hadrović.

Organizacionu strukturu stranke Narodna Bošnjačka stranka čini:

- Centrala stranke, nema nižih organizacionih dijelova

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije je** godišnji finansijski izvještaj političke stranke Narodna Bošnjačka stranka za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije je** da revizor na bazi finansijskog izvještaja pokuša da ustanovi da li je Narodna Bošnjačka stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim kancelarijske revizije** finansijskih izvještaja Narodne Bošnjačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

### **4. PRETHODNE REVIZIJE**

Izvršen je pregled godišnjeg finansijskog izvještaja Narodne Bošnjačke stranke za 2005. godinu i izdat izvještaj u kojem je utvrđeno da stranka nije prekršila odredbe Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

### **5. NALAZI KANCELARIJSKE REVIZIJE**

#### **5.1. NALAZI**

- Na osnovu obavljene kancelarijske revizije godišnjeg finansijskog izvještaja utvrđeno je da je Narodna Bošnjačka stranka prekršila odredbe člana 5. stav 1. Zakona o finansiranju političkih stranaka.<sup>1</sup>**

---

<sup>1</sup> Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2006. godini može iznositi 4.688,00 KM

Narodna Bošnjačka stranka je primila priloge od fizičkih i pravnih lica čiji je iznos premašio zakonski limit priloga u ukupnom iznosu od 16.036,00 KM.

Stranka je prekršila odredbe člana 5. stav 1. Zakona o finansiranju političkih stranaka jer je primila prilog od jednog fizičkog lica u iznosu od 15.100,00 KM, što je za 10.412,00 KM iznad zakonom propisanog limita na visinu priloga.

Prema podacima iz finansijskog izvještaja politička stranka je primila sredstva od pravnih lica iznad zakonom propisanog limita u iznosu od 5.624,00 KM i to:

Red.br	Naziv pravnog lica	Iznos priloga	Iznad limita
1	„A-roto press“ Sarajevo	10.000	5.312
2	Stranka za BiH	5.000	31200
	<b>UKUPNO:</b>		<b>5.624</b>

#### **b) Stranka je prekršila odredbe člana 11. stav 3. Zakona o finansiranju političkih stranaka**

- Godišnji finansijski izvještaj za 2006. godinu stranka je dostavila Centralnoj izbornoj komisiji BiH dana 19.04.2007. godine, tj. nakon zakonom propisanog roka.
- Stranka nije popunila godišnji finansijski izvještaj u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj: 61/06), jer nije iskazala trošak takse za ovjeru za izbore u iznosu od 15.000,00 KM na obrascima troškova i nije iskazala obaveze prema dobavljačima i po osnovu plata u ukupnom iznosu od 11.433,22 KM.

#### **Troškovi predizborne kampanje**

Narodna Bošnjačka stranka je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 16.576,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju

---

<sup>2</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

birača koje je objavila Centralna izborna komisija BiH. Prema podacima Centralne izborne komisije BiH Narodna Bošnjačka stranka je mogla potrošiti 1.124.806,00 KM.

## **5.2. PREPORUKE :**

*Preporučuje se Narodnoj Bošnjačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 5. stav 1. i člana 11. stav 3. Zakona o finansiranju političkih stranaka, odnosno da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka.*

## **KOMENTAR:**

U ostavljenom roku, Narodna Bošnjačka stranka se nije očitovala na Preliminarni izvještaj o pregledu godišnjih finansijskih izvještaja za 2006. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora